

SA VIDA

Eo sò cumbintu chi a mortu
est che a non b'esser naschiù.
Pesso chi no nos arreat pius nudda
ne piachere ne pena
ne disizos ne ammentos
ne amore o dolore o fastizu
e chi no est malu ne bonu.
Pezzi pessande a tive mi dòlet
custu nudda chi m'immagino
a mi vier a pustis mortu.
Ca tue ses mura suzzosa
granada isperrada
ses lanedda intuppia
cuvada in sa rocca
ses frisca e bullizas
su sambene in benas.
E ses lacu chiètu
chin friscuras e umbras
e pischinas de luche
uve s'anima pàsat
Ses unu mundu mai bòdiu mai cenu
mai vidu tottu, mai tottu connottu
chi m'abbivat e selènat.
Cando at a passare custu mundu intregu
app'a esser che a prima una cosa
vritta e morta chi nò sento e de sa cales
nò m'importat chi finat.

LA VITA

*Io credo che essere morti / sia come non essere nati. / Penso che non ci rimarrà
più nulla / né piacere né pena / né desideri né ricordi / né amore o dolore o
tristezza / e che non sia né un male né un bene. / Solo pensando a te mi brucia
/ questo nulla che immagino / figurandomi dopo la morte. / Perché tu sei una
mora succosa / una melagrana matura / sei muschio fino / nascosto nella
pietra / sei fresca e intorbidì / il sangue nelle vene. / E sei lago quieto / con
luoghi fresche e ombre / e piscine luminose / dove l'anima riposa. / Sei un
mondo mai vuoto mai pieno / mai visto tutto mai tutto esplorato / che mi ravviva
e rasserena. / Quando passerà questo mondo completo / sarò come prima una
cosa / fredda e morta che non sento e della quale / non m'importa la fine.*